

UANDAKUA JURHIMBEKUECHERI K'UIRIPUECHERI PARHAKPENI ANAPU

INCHAJPEKUA

Mitiparini eski jánguarhikua, jurhimbekua ka no jupiperakua parhakpeni jimbo jupikuarhisindi jeioperakua jurhimbitku jangueri ka no ambe atarantskueri iamindu majku anapuecheri,

Mitiparini eski no eiangperakua ka isku eekua k'uiripuecheri jurhimbekua isi jimbosi xani no sesi kamerañajti; ka uandañajti, eski sanderu k'eri ambe ukua k'uiripuecheri, erokakua materu jaso irekakueri engakso k'uiripuecha, jurhajkutini ia chékua ka komu jáangua, sesi marhuataakaksi uandakua ka mamaru járhati jakajkukuechani,

Mitiparini sesimindu eski k'uiripuecheri jurhimbikuecha kuajpeñaaka K'eri jurhimbikua jimbo, jimbokakso iso k'uiripuecha uatiksi no ambe jupikuarhini ka jauarani no sesi kamberakua jimbo,

Mitiparini istu eski uetarisínga etsekuni ka k'uiriperani iretecheri sesi pajperakua,

Mitiparini eski iretecha, Iretecheri kunguarhikua sesi jimbomendu uandajti ia imecheri jakajkua K'eri karákatarhu k'uiripuecheri jupikuarhikua jurhimbekueri, k'uiripueri k'uratsekua ka ts'iuékua ka majku jasí jukaparhperakua ts'iueriticheri ka uarhecheri; ka uandastiksi ia eskaksi uaka ambakiti ambe ireskuni ka irekakua ambe sesi uaxastani eratsiparini eskaksi usínga janguarhikuarhini,

Mitiparini eskiksi K'erhati Irechekuecha eiakurhistiksi sesi, jarhaujpeni indeni kunguarhikua Organisationsi de las Naciones Unidasí jingoni, iamendu jañajarperani ka urauani jurhimbekuechani ka janguarhikuechani k'uiripuecheri, ka

Mitiparini eski sesi mitiakaksi iamendu ieni jasí jurhimbekuechani ka jánguarhikuechani sanderu jukaparhakuesti ka inde eiakurhikuani uni isi ukuarhini,

K'ERI TANGUARHIKUA uandasindi

I K'eri Uandakua K'uiripuecheri Jurhimbikuecha Parhakpeni Anapu iamenduchani majku jasí eraaparini eskiksi iamendu iretecha janguarhentaakaksi, eskaksi xani k'uiripuecha eski k'umanchikua juramukuecha imani exeparini mititpeakaksi jorhenteparini ka kaxomperakua jimbo, ini ambe jañajarhini, uaxastaatikso, sañani arhipani iapurhu iso, jiokurhiñaati ka sesi urañaati, xani iretecha engakso kurhpitini jaka ka engaksojtu iretecha jima jupindakuarhitini jaka.

Arhujtakua 1

Iamendu k'uiripuecha janguarhiparini ka majku jarhati ka jurhimbekuecha jingoni kueraañasondikso ka, juajtakuarhisíndiksi ambakiti eratsekua ka kaxumbikua, jatsistiksi eskaksi sesi arhijperaaka.

Arhujtakua 2

Iamendu k'uiripuecha jatsistiksi iamendu jurhimbekuechani ka janguarhikuechani engaksi ixu uandajka, na uejiki jasí iurhiri jatani, xarharani, ts'iuerati o uarhi, uandani, chereñeni, eratseni o materu jangua kamani, nani uejki anapueni, jatsikurhini tumina o no ambe, kueraakateni o materu jasí ambe uni o jamani.

Istu, no ima pañaati naki enga kunguarhikua juramukueri jamaaka, naki uejkini o

nani uejki anapueni enga jupindakurhitini jauaka ma k'uiripu, xani enga ma paisi juramukuarhiti anapueuaka, eski ima irechekua enga no iamendu ambe jandiajku juramukuarhiaka.

Arhujtakua 3

Iamendu k'uiripuecha jurhimbekua jatsistiksĩ jamani i parhakpeni, janguarhikuarhini ka tsipekua kuajpemejani.

Arhujtakua 4

No nema jamaati isku anchikuarhitsĩpeni nijtu isku jantspeni; isku anchikuarhitsipekua no sesikua jarhasti ka ni niatatsĩpetichani ataraantani o piauani na uejki jasiĩ jimboeni.

Arhujtakua 5

No nema jatsisti eski komku kaŋaaka o eski k'uratsekueni jaso ambe kaŋantaaka.

Arhujtakua 6

Iamendu k'uiripuecha jurhimbekua jatsisksĩ, iapurhu isi, eski jaŋaŋarhiŋaaka na uejki jasoeni.

Arhujtakua 7

Iamenduksĩ majku jasiĩ jurhimbekuarhu jimbo ka jatsistiksĩ, ne uejkini, majku jasiĩ kuajpikurhintskua, jurhimbekuecha jingoni. Iamenduksĩ majku jasiĩ kuajpekuarhintskua jatsisti ne enga t'auajchakuaka ka no paaka ini uandakuani ka eratsekuani.

Arhujtakua 8

Iamendu k'uiripuecha jurhimbikua jatsisti jupikuarhini ambe enga kuajpintaaka, enga tsandpemeŋaaka kuramukperakuarhu, eska kuajpeŋantaaka enga imeri jurhimbekuechani t'auajchakumeŋaaka.

Arhujtakua 9

No nema uati isiĩkumendu undani jupijani, oŋaŋani ni chutaŋantani o petaataŋani.

Arhujtakua 10

Iamendu k'uiripu jurhimbekua jatsisti, mangueni jatini, eska kurajchaŋaaka ka eska sesi kurangumeŋantaaka, eskakso juramuticha no nema jingoni k'uetsapeaka, eratseparinksĩ imecheri jurhimbekuechani ka janguechani, o engaksĩ uekaka mitikuni ambesĩ tsĩjpa.

Arhujtakua 11

Iamendu k'uiripu tsandpemeŋakata ma ambe tso

No nema jupijaati ka oŋaŋani enga jiajkani enga tso

Arhujtakua 12

No noma inchakumeŋaati imeri irekakuarhikua jimbo imeri japindembekuarhu, imeri

k'umanchikuarhu o imeri ambe axatsoperakuarhunijtu chureṇani jaakuarhimeṇani ambe. Ini ambe jimbo iamendu k'uiripu jatsisti jurhimbekua eska kuajpikurhintaaka.

Arhujtakua 13

Iamendu k'uiripu jurhimbekua jatsisti jamani ka erakukuarhini nani enga irekaaka ma Irechekuarhu.

Iamendu k'uiripu jurhimbekua jatsisti ueakuni ma o imeri paisirhu ka menderu ichaakuntani.

Arhujtakua 14

Enga andanguṇani o jupinakuekani jauaka

I jurhimbekua no uati uanakutani o kurajkuarhini ma ambe tsjipakua jimbo enga ambe arhijka Nasionesi Unidasirhu.

Arhujtakua 15

Iamendu k'uiripu jurhimbikua jatsisti nani enga anapueuaka.

No nema euakuarheṇaati jurhimbikua isku undani nani enga anapueuaka o irekaaka ka majku jastu enga uekaaka mojtakukuarhini materu o tamu iso

Arhujtakua 16

Ts'iuerticha ka uárhicha, engaksí tumbiuaka ia ka iurhitskirini ia, jurhimbikua jatsistiksí, no p'ingunaparini iurhiri anapuekua o chereṇekua jimbo, tembuchani o uambuchani ka ireskuni ma japindembekua; ka majku jaso marhuataatiksí jurhimbikuechani engaksí tembungurhitini jauaka ia ka istu engaksí jurhajakperaaka.

Jeiokeperaparinskí ka uekaparinkuksí uati tembungurhirini.

Japindembekua kueraakatesti parhakpenirhu ka jurhimbikua jarhasti eskiksí ireta ka Irechekua kuajpiaka ka jarhuatpeaka.

Arhujtakua 17

Iamendu k'uiripu jurhimbekua jatsisti eski mamaru ambe jandiajku minguarhiaka, ka istu kunguarhuntatini mamaru ambe jatsikuarhini materu k'uiripuecha jingoni.

No nema euakuarhiṇaati iskumendu imeri jatsikuarhikua ambe.

Arhujtakua 18

Iamendu k'uiripu jurhimbekua jatsisti eratseni eski na uekaaka, jaṇaskani ka chereṇentu iso; i jurhimbekuaajtu arhisíndi eski uṇaaka mojtakuni chereṇekua ka jokajkukua, istu uandani na jaso chereṇesondi ka jakajkusíndi, jandiajku ka uanekuecha jingoni, xani eski mitikuarhiaka ka eskajtu no ambe, jorhenguarhikua jimbo, isí ukua jimbo, jangua ka exekua jimbo.

Arhujtakua 19

Iamendu k'uiripuecha jurhimbekua jatsistiksí arhijpeni ka uandani; i jurhimbikuaajtu arhisíndi eski no ambe ma arhiṇaaka ambe enga uandaaka, ka etsakuni, mamaru jasí ambe etsakutarakua jimbo.

Arhujtakua 20

Iamendu k'uiripuecha sesikua jasistiksĩ tanguarhiñantani ka kunguarhiñantani kasopekua jingoni.

No nemanksĩ uati uingarhitani eski ma kunguarhikua jingoniuaka.

Arhujtakua 21

Iamendu k'uiripu jatsisti sesikua uni andaparakuarani k'eri juramukuarhu, andaparakuarani o enga erakuntskuarhu uéraaka.

Iamendu k'uiripu sesikua jatsisti eski majku jasĩ ambe uaka teruñarhitani juramukua imeri paisirhu.

K'uiripueri eratsekua ireteri anapu majkuesti jupitsekua uingarhikua enga ireta uandaaka juramukueri; i kuramukperati uati ma juramitini jatsini erakuntskuarhu engakso ukuarheni jauaka na jatini enga k'uaniaka, erakuntaparini sipatinku o iamendu exeñaparini.

Arhujtakua 22

Iamendu k'uiripu, jimboka iretarhu anapueka, jurhimbikua jatsisti jañarhikua kuajperata intsonani jarhuajperaparini iamendu juramukuecha jingoni juchari puindetsikuarhu jimbo ka tepetsekuarhu, marhuatani tumini juchari Irechekuarhu anapu, enga uetarka imeri jañaskua sesi jaxeaka ka t'arhexeaka.

Arhujtakua 23

Iamendu k'uiripu jatsisti eski intsĩñaaka ma anchekuarheta, eski ima na jasĩ jañaskatini jauaka, majkueni eski maruteruecheri ka eska kuajpeñaaka enga niatakua no ambe jatsikuarhiaka.

Iamendu k'uiripu jurhimbekua jatsisti, no amutañantaparini, eski meiamuñaaka ambe ka na xani enga anchikuarhitini jauaka.

Iamendu k'uiripu enga anchikuarhijka jurhimbikua jatsisti eska sesi meiamuñaaka ka sesi exeaka, eski uaka nitamakuarhini ka sesi irekakuarhitarani imeri anapuecha jingoni.

Iamendu k'uiripu sesikua jatsisti kunguarhikuechani uaxastaani ka imajtu inchajpeni kunguarhekuarhu ka isĩ uni kuapini imeri anchikurhikuani.

Arhujtakua 24

Iamu k'uiripu jatsikuarhesti jurhimbekua mintsikuarhekua, jurhitenchakuarhekua, sesku atakua anchakuarhekua ka isĩjtu jakua na jasĩ jimbo jandajpekua meiamukata.

Arhujtakua 25

Iamu k'uipiru jatsikuarhesti jurhimbekua jurhimbejtsitatakua tsipekueri terukutakata imangi tatetspekuuaka, ka isĩjtu imeri exenchperakuani, uratajperantskua, ka sesi jakua, ka t'irekua jindemendo, xukuparhakua, irekua, tsinajperakua ka imangi uetarhiuaka ireteri manaratsperakua; ka isĩjtu jatsisti jurhimbekua tataetsperakuechani, iki no jatsikuarheuaka anchekuarheta, p'amenchakua, no ambouakua, tsĩdikua, t'arhepekua o materu ambe jimbo enga tsĩtookaa imeri nitamanchakua imangi jimbo no isĩ atini jauaka.

Kuxarhekua ka uajpa sapichuekua jurhimbekua jatsikuarhestiksi jukauantskuaechani ka jandiojko jarhutakuaechani. Iamendu takiecha, jupiuakata tembuchakua o uérakua tembuchakuarhu, jurhimbekua jatsisti majku jasi kuanani iretarhu.

Arhujtakua 26

Iamu k'uiripu jurhimbekua jatsikuarhesti ambonastakua intso

Ambonastajperakua niarauati iamu p'irakuni k'uiripekua k'uiripuchaeueri ka uinaperani jananarhikua jurhimbekua k'uiripuecheri ka janguarhekuaechanijku, uinaperauati kurhangukua, tekaantskua ka sesi pajperakua iamu sorangua k'uiripucheri ka iamu iretecheri o cherejekuaecheri, ka manatooti p'irakukua niatakuaecha Kunguarhekua So

Tatembaecha uati erakuni na jasi ambonastajperakua uekasini intskuni uajpechani.

Arhujtakua 27

Iamu k'uiripu jurhimbekua jatsikuarhesti jandijku inchamukuni mimixekua tsipekuarhu ireteri, maruutani anchekuarheta imangi tsitieka ka inchajpeni jurhenguarhu imangi urhepani jauaka ka jurhiatenchakua imangiksi jima uérooka.

Iamu k'uiripu jatsikuarhesti jurhimbekua kuajperantskua imeri pejparikuaechani sesi jangua ka kejtaskuarhekuecheri imangiksi k'uaninchooka, anchekuarheta petakua, mimxekua, karakua o imecheri sesi niatakua jimbo.

Arhujtakua 28

Iamu k'uiripu jurhimbekua jatsikuarhesti esiki ikaskunooka ma ireteri uandangukata ka iamu sirukua k'uiripuecheri jininga jurhimbekuaecha ka janguarhekuecha enga eiamarhijperanajka i ambonastajperakuarhu esoka isi niatakuarheuaka.

Arhujtakua 29

Iamu k'uiripu jatsikuarhesti eiauandakuarhekuaechani ireta jinguni, jimboka jimajku uaka kuerakuarheni jandijku imeri k'uiripekua.

Niatakua iameueri jurhimbekuaecha ka marhunchakua imaeueri janguarhekuaecha, iamu k'uiripu engauati jupikakata jima jimberu esika na uandakata jauaka uandaskukatarhu jimbokijtu isijku uati uinamu jupikani mitejperantskua ka jananarhikua jurhimbekua ka janguaecheri, ireteri uandangukata ka sesi irekua ma iretarhu imangi jauaka ireteri juramukua.

I jurhimbekuaecha ka jandijku hanguarhekua no uati mentjikusi niatakuarheni tanatskuarhekuni uengurhikua ka uandajekuaechani Kunguarhekua Ma Sorangua K'uiripuecheri.

Arhujtakua 30

No ambe ma i ambonastajperakua uati kurhangukuarheni esoki intskusinga jurhimbekua irechakuani, ma umbatsekuani o ma k'uiripuni, uenani ka p'irakuni niatakuachani o niatani ambe ma imangisi texurhiuaka kenditani nakinderku ma jurhimbekuechani ka jandijku janguarhekauechani eiamarhijperakatecha i ambonastajperakuarhu.